

حزیرة محاکمة

❖ صالی ❖

| تومرو | رمضان | سنه | تموز | سنه | صحيفة |
|-------|-------|------|------|------|-------|
| ۱۵۸ | ۳ | ۱۲۹۹ | ۶ | ۱۲۹۸ | ۱۲۵۷ |

❖ اشبو غزته بهر هفته صالی کونلری چیقار . سنه لکی مجیدی اچمه التمش غروشدر بهر نسخته سی التمش ❖
 ❖ پاره مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور . ❖
 ❖ سنه لکنه مشتری اولوق استیانلر عدلیه نظارت جلیله سی اوراق مدیر لکنه مراجعت ایتلیدر ❖

۱۵۸

ایجاریه نك تأخیر استیفا سی استلزام ایتکده اولدیغنه
 مبنی اعلانات مجوئه نك ورقه مادیه به تحریری ماده
 سنك لدی الحاجه خزینه خاصه شاهانه به متفرع
 دعاوی رؤیت اولنه جق اولان در سعادت و طشره
 محکمه تجارت و بدایت رؤسائنه تبلیغی نظارت مشار
 الیهادن مبعوث تذکرده اشعار اولنمش و مو جنبه
 صورتحالک تعمیماً طرفکره ازباری امور حقوقیه
 مدیریندن افاده واشبو تحریراتک نسیخ مطبوعه سندن
 اون بش قطعه لفاً فرستاده قلمش اولغله اولوجهله
 ایفای مقتضای سیاقنده

(فی ۱۴ شعبان سنه ۹۹ وفی ۱۹ حزیران)
 (سنه ۹۸ تاریخیه ولایات جلیله عدلیه)
 (مفتشلکرینه یازیلان تحریرات عمومی صور تیدر)

املاک سنیه حضرت تاجداریدن هیچ برنام ایله
 تکالیف و رسوم سائره طلب واحد اولنمادی اراده
 سنیه جناب ظل اللهی مقتضای منیفندن اوله رق
 صورت اراده سنیه جناب جهانبانی ۲۱ شباط
 سنه ۹۶ تاریخلو تذکره سامیه ایله تبلیغ
 اولنه رق بالجمله محاکمه بیلدیرلش اولدیغی حالده
 املاک همایونندن بعض محللر مستأجرلرینک اجاره دن
 طولای خزینه خاصه شاهانه به دینلری اولان مبالغ
 تحت حکمه الديرلش ایکن اعلاناتک تنظیمی ورقه
 صحیحه ائمانی کبی رسومک خزینه خاصه شاهانه جه
 اعطاسنه تعلیق و تأخیر ایتلمکده اولسنه و بو ایسه
 حکم منیف اراده سنیه به مغایر اولدقدن بشقه بدلات

(فی ۲۰ شعبان سنه ۹۹ وفی ۲۴ حزیران)
 (سنه ۹۹ تاریخیه ولایات جلیله عدلیه مفتشلکر)
 (ینه یازیلان تحریرات عمومی صور تیدر)
 حکمنجه مدیونک حبس ایلدسی بر آیلق

MILLI KOTUPLUĞU ANKARA

نقده سنك داین طرفندن دفعه اعطاسنه متوقف
ایسه ده اکثر ایتمک حالری بوکامساعد اولدیغندن
مهر و نققه دن طولای محکوم اولنلر حقنده اجرا
اولنان معامله یه توفیقاً ایتمه مدیون بولنانلرک نققه
بدلی یتیلردن التفسزین حبس ایلماسنک اجرا قانونه
تذیلی طرف والای قنوا پناهیندن وقو عبولان اشعار
و دائرة عدلیه جه جریان ایدن مخابره اوزرینه شورای
دولتجه بالنسب اولسایده قانون مذکورک اوتوز
طقوزنجی ماده سنه ذیل ایلمک اوزره قلمه النان فقره
قانونیه مسوده سی مجلس مخصوص قراریه لدی
العرض مرعیتنه اراده سنیه حضرت پادشاهی
شر فصدور بیورلدیغی بیان عالیسیله اقتضاسنک
اجراسی باش وکالت جلیله جانب عالیسنک شرفوارد
اولان تذکره سامیه ده امر و اشعار بیورلمش و موجبنجه
صورتحاکم تعمیماً ازباری امور حقوقیه مدیریتمدن
افاده واشبو تحریرات ایله فقره قانونیه نك نسخ مطبوعه
سه سندن اون بشر قطعه لفا فرستاده قلمش اولغله
اولوجهله ایضای متضاسی سیاقنده

(اعلامات حقوقیه نك صورت اجراسنه دأر)
(قانونك اوتوز طقوزنجی ماده سی ذیلی)

مهر و نققه دن و اموال ایتمدن طولای محکوم اولان
مدیونلر ایضای دینلرندن امتناع ایلدکلری حالده
اوتوز ایکنجی و اوتوز اوچنجی ماده لک حکمندن
مستثنا طوتیله رق هر حالده حبس اولنور و اوتوز
التنجی ماده حکمنجه داینلر طرفندن اتفاق اولنمز
فی ۱۸ رجب سنه ۹۹ و فی ۲۴ مایس سنه ۹۸



(یوز الی یدنجی نومرولی جریده محاکمه مندرج)
(اعلامک بقیه سی)

والده خاننده بر نومرولی میخانه ده ساکن میخانه جی
واسیل ولد بر اشکوه ایله بیننده متکون دعویاه دأر
ایکنجی محکمه تجارتک فی ۳۰ ایلول سنه ۹۷
تاریخی اعلامی علیهنه اعتراضی حاوی طوبیوقده
ساکن میخانه جی خره لمبوس ولدصوه طرفندن
و یریلان عرضحال فی ۱۷ تشرین اول سنه ۹۷
تاریخنده محکمه استیناف تجارت قسمته حواله قلمش
و ایوبده طوبیچیلر جاده سنده الی درت نومرولی
دکانده مقیم شاهین اوغنی اندون باسند مصدق کفیل
کوسترلمش اولغله مستأنف حیظه یان کروییه
و مستأنف علیه نیقوله مقری افندیلری صورت
مطلقه ده و تحلیف و تحلفه و دعوانک صوک درجه سنه
قدر محاکمه یه مآذون اولق اوزره حضور محکمه ده
توکیل ایلد کلرندن اوراق لازمه مواجهه لرنده
قرائت اولندی

استیناف عرضحالنده اعلام مذکور غدرین موجب
اولدیغندن ایشک استینافاً رؤیتی استدا قلمشدر

اعلام مذکورک نتیجه مفادی خره لمبو ولدصوه
ذمتنده باسند الاجبی اولان طقسان بچق عدد
عثمانلی لیرامنک مع قانض و مصارف محاکمه تحصیانه
دأر میکده جی و اسیلک استحصال ایتدیکی اعلام
غیاسیدن طولای اعتراض علی الحکم وقوعیله
عند المحاکمه معترض سنک امضاسنی تصدیق
ایتمکله برابر رؤیت اولنان محاسبه اوزرینه ورلمش
اولوب محاسبه مذکورده سهو وقوع بولدیغنی
و مذکور الاجق بدل ایچاردن ایلو کلدیکی ادعا
ایلمش ایسه ده اشبو دفع و ادعاسنی اثبات ایده مامش
اولسیله لدی التذکر معترض مرقوم دفع واقعی

اثباته مقتدر اولدیغنی کبی طالب تحلیف دخی
اولماسنه مبنی دفع واقع نظاماً قبوله شایان کور یله
مدیکندن ردیله اعلام غیابینک تصدیقنه قرار
و یرلدیکی میلدنر

مستأنفک لایحه سنده مبلغ مدعا ایچار و استیچار بدلی
اوله رق محاسبه دن متولد بولندیغندن و طرفین تجاردن
اولدیغندن خصوص مدعانک فصل و جسمی تجارت
محکمه سنک و وظیفه سی خارجنده کورنر یکنه
مبنی اعلام مستأنف بهک فسخی و مصارف محاکمه
نک خصمنه تحمیلی بیان اولمشدر

مستأنف علیهک جواب لایحه سنده استیناف استدا
سنده درجه اولی اعلامنک تاریخ تبلیغی و اسباب
استینافیه بیان اولنماش و مهمل استیناف اقتضا ایلمش
ولایحه اعتراضیه امضاسنر اوله رق و یرلمش و بونده
درمیان قلنسان کافه اعتراضات واهی اولوب
جواب و یرمکه کندوسنجه برکونه مجبوریت کور یله
مامش اولدیغندن استیناف استدا سنک ردیله
اعلامک تصدیقی و ضرر و زیاننک مستأنفدن تحمیلی
طلب ایلمشدر

طرفین استجواب ایلدکده مستأنف و کیلی استیناف
عرضحالنده اعلامک تاریخ تبلیغی و قرار واقعک
موجب غدر اولدیغنی کوسترلمش و عرضحال مذکوره
امضا وضع ایلمش و فقط لایحه نك امضا اولنماش سی
سهودن نشأت ایلمش اولدیغندن استداسنک ردی
لزومنه دأر درمیان ایدیلان ادهانک واهی ایدوکنی
بیان و مستأنف علیه و کیلی بوبابده کی اعتراضی
بالتکرار هر نقدر موکلی در سعادتده اقامت ایلمکده
ایسه ده کفالتنا مده مصارف سفریه نك تصریح
ایلمسی حکم قانون اقتضا سندن بولندیغنی حالده
بوجهتنک بیان ایلماسنیله شرائطک نقصان قالدیغنی
تذکار و وقوعولان سؤال اوزرینه بشقه بر دیه جگاری

اولدیغنی طرفین اخبار ایلد کلرندن بو جهنلردن
طولای محاکمه لرنک ختام بولدیغنی افهام ایلدی

لدی التذکر استیناف عرضحالنده اعلام مستأنف بهک
غدرین موجب اولدیغنی ولایحه نك مر بوطاً و یرلدیکی
محرر بولنش و مذکور لایحه ده دخی اسباب استینافیه
مفصلاً کوسترلمش و استدعای مذکور ده اعلامک
تاریخی تصریح ایلد کدن صکره صورتک طرفنه
تبلیغ اولدیغنی بیان اولنوب بوا یسه تاریخ مذکورده
تبلیغ قلدیغنه دلالت ایلمش اولدیغنه و اوتوز برکون
ظرفنده استیناف دعوی ایله شرائطک ایفا قلدیغنی
عن التدقیق اکلاشلدیغنه و مستأنف علیه در سعادتده
مقیم اوله رق کفالتنامه ده مصارف سفریه کوسترلمسی
ایجاب ایتیه جکنه و امضالی اولان استیناف
عرضحالنه مر بوط لایحه نك امضا اولنماش سی سهودن
نشأت ایدرک مع مافیه حضور محکمه ده مستأنف
و کیلنه امضا ایتدیرلدیکنه مبنی اعتراضات و اقره نك
ردینه متفقاً قرار و یریلرک طرفین و کیلارینه تفهیم
اولندقدن و مستأنف علیه و کیلی بوقرار دن طولای
تمیز حقنی محافظه ایده جکنی بیان ایلد کدن صکره وظیفه
حقنده کی محاکمه لرنه شروع اولنش ایسه ده منازع
فیه سنک درجه اولی محکمه سندن جلی ضمننده
ایش وقت اخره تعلیق قلمشیدی

مؤخرأ طرفین و کیلاری کلرک منازع سند ترجمه سی
لدی المطالعه خره لمبو ولدصوه امضاسنی و ۱۳
مایس سنه ۱۸۸۱ تاریخنی حاوی اولوب متنده
بروجه بالا یالکز طقسان بچق عدد عثمانلی لیراسی
پاپاز طور تو اوسته و اسیلدن نقداً الدم ذمتده
بورجم اولوب تاریخدن یکر می برکون صکره الی
لیراسنی و قرق بچق لیراسنیله النمش برکون صکره
امرینه مع گذشته ادا ایتک اوزره بورچدر عباره سی

محرر بولندی طرفین استجواب اولند قده مستأنف وکیلی مذکور سند بدلی حسابدن متولد اولوب حسابده سهو وقوعبولدیغندن اعاده رؤیت محاسبه اولنمسی لزومی بسان ومستأنف علیه وکیلی افاده واقعه سندک مندرجانه مغایر اولدیغنی جهتله شایان التفات اوله میه جفنی درمیان اولنان سؤال اوزرینه بشقه برده جککری قالدیغنی طرفین اتیان ایلدکلرندن محاکمه لرینک ختام بولدیغنی افهام ایلدی ایجاب کیفیت لدی المذاکره مستأنف وکیلی بالاده بیان وایضاح ایلدیکی اسبابدن طولای اعلام مستأنف بهک فسخنی طلب اظلمده ایسه ده اعلام مذکوره کوسرلیدیکی اوزره سند منازع فیبهک حاوی اولدیغنی مبلغ بدلی ایجاردن طولای طرفین بیننده رؤیت ایدیلان محاسبه دن متولد اولدیغنی ومحاسبه مذکوره ده سهو وقوعه کلدیکی حقیقده بی دفعنی مستأنف وکیلی اثبات ایده مدیکی کبی طالب تحلیف دخی اولدیغنه بناء دفع واقفک ردیله اصول محاکمه حقوقیه قانون موقتک یوز طقسان یدنجی ماده سی موجب محاسبه اعلام مستأنف بهک تصدیقنه وشو حاده مبلغ مدعا اولان طقسان بچق عدد لیرای عثمانی اوزرینه سندک تاریخی اولان ۱ مایس سنه ۹۷ دن اعتباراً وکانون ثانی سنه ۹۷ تاریخنه قدر مرور ایدن سکرز آی ایچون یدی لیرایکرمی درت غروش گذشته ضمیله جمعا طقسان یدی بچق عدد عثمانلی لیراسیله یکریمی درت غروشک مستأنف علیهدن بالتحصیل مستأنفه اعطاسنه وحين تأدیبه سنه قدر گذشته سنک یوریدلمسنه واون بشلک جزای نقدی ایله مصارف محاکمه اولهرق زرده مرقم جمعا اوچوز سکسان برغروشک مستأنفه رجوع ایتک اوزره مستأنف علیهدن النمسنه درجه ثانیه ده متفقاً قرار ویریلرک طرفین وکیلرینه تفهیم قلندی

اعاده محاکمه عرضحالنده مقدما استینافاً جریان ایدن محاکمه لرنده خصمک وقوعبولان اعتراضی اوزرینه دعوانک رؤیتی تجارت محکمه سنک وظیفه سی داخلنده اولدیغنه قرار ویریلرک طرفینه دخی تفهیم ایلدش وتنظیم اولنان اعلام معاد بهده وظیفه حقیقده کی محاکمه زینه شروع اولدیغنی کوسرلمش ایسه ده اولباده ویریلان قرارک درج ایلدلمش اولمسی اعاده محاکمه بی اتاج ایلدیکندن اعلام مذکورک تصحیحی استدعا اولمشدر طرفین استجواب اولند قده معید محاکمه وکیلی عرضحالنده بیان ایلدیکی سیدن بشقه برده اعلام معاد بهک حکم یرنده مستأنفدن بالتحصیل مستأنف علیه اعطاسی دنیه جک یرده سهواً مستأنف علیهدن بالتحصیل مستأنفه اعطاسی محرر بولنمسی اعاده محاکمه بی موجب اولدیغندن اسباب مذکوره بی مینی اعلام مذکورک تصحیحی طلب ایلرک معاد علیه دخی اساس ماده بیه دائر برقطعه عرضحال ابراز واعطا واولباده اعلام معاد بهده محرر افاداتی تکرار ایتد یکنندن بونلرک درجندن صرف نظرله اعاده محاکمه دعواسنه جواب ویرمسی تکلیف ودها برافاده لری اولوب اولدیغنی طرفیندن استیضاح اولنمسی اوزرینه بشقه برده جککری قالدیغنی طرفین درمیان اظلمرله محاکمه لرینک ختام بولدیغنی کندولرینه افهام ایلدی ایجابی لدی المذاکره معید محاکمه وکیلی بالاده بیان وایضاح ایلدیکی اسبابدن طولای اعلام مستأنف بهک فسخنی طلب اظلمده ایسه ده اعلام مذکوره کوسرلیدیکی اوزره سند منازع فیبهک حاوی اولدیغنی مبلغ بدلی ایجاردن طولای طرفین بیننده رؤیت ایدیلان محاسبه دن متولد اولدیغنی ومحاسبه مذکوره ده سهو وقوعه کلدیکی حقیقده بی دفعنی مستأنف وکیلی اثبات ایده مدیکی کبی طالب تحلیف دخی اولدیغنه بناء دفع واقفک ردیله اصول محاکمه حقوقیه قانون موقتک یوز طقسان یدنجی ماده سی موجب محاسبه اعلام مستأنف بهک تصدیقنه وشو حاده مبلغ مدعا اولان طقسان بچق عدد لیرای عثمانی اوزرینه سندک تاریخی اولان ۱ مایس سنه ۹۷ دن اعتباراً وکانون ثانی سنه ۹۷ تاریخنه قدر مرور ایدن سکرز آی ایچون یدی لیرایکرمی درت غروش گذشته ضمیله جمعا طقسان یدی بچق عدد عثمانلی لیراسیله یکریمی درت غروشک مستأنف علیهدن بالتحصیل مستأنفه اعطاسنه وحين تأدیبه سنه قدر گذشته سنک یوریدلمسنه واون بشلک جزای نقدی ایله مصارف محاکمه اولهرق زرده مرقم جمعا اوچوز سکسان برغروشک مستأنفه رجوع ایتک اوزره مستأنف علیهدن النمسنه درجه ثانیه ده متفقاً قرار ویریلرک طرفین وکیلرینه تفهیم قلندی

وظیفه مسئله سنک سکوت براغلمسیله برابر اساساً مدعی وداین ومستأنف علیه اولدیغنی حالده طقسان یدی بچق عدد عثمانلی لیراسنک ویکرمی درت غروشک کندوسندن بالتحصیل مستأنفه اعطاسی کوسرلمسی اصول محاکمه حقوقیه قانون موقتک ایکویز ایکنجی ماده سی موجب اعاده محاکمه بی جالب اسبابدن بولندیغندن قانون مز بورک ایکویز اون دردیجی ماده سنه توفیقاً عرضحال مذکورک قبولیله جهات مذکورنک تصحیحنه و منازع فییه اولان سند امره محرر اولوب بوقوله سند اتدن متولد دعاوینک فصل وحسمی تجارت محکمه سنه عاقد اولدیغندن ذیل قانون تجارتک یکریمی سکرنجی ماده سی موجب دعوانک رؤیتی تجارت محکمه سنک وظیفه سی داخلنده بولندیغنه و اعلام معاد بهده محکوم به اولان طقسان یدی بچق عدد عثمانلی لیراسیله یکریمی درت غروشک مستأنف خرملبولدصوده ن بالتحصیل مستأنف علیه واسیل ولد براشکویه اعطاسنه ووزنه بی امانه تسلیم اولنان بشیوز غروشک مذکور ایکویز اون دردیجی ماده حکمجه معید محاکمه بی اعاده سیله اعاده محاکمه مصارف اولهرق زرده مرقم جمعا یوز التمش غروشک معید مرقومدن النمسنه درجه ثانیه ده متفقاً قرار ویریلرک طرفینه تفهیم قلندی

(فی ۲۰ جادی الاولی سنه ۹۹ وفی ۲۷ مارت)
 (سنه ۹۸ تاریخیه محکمه استیناف تجارت)
 (قسمندن ویریلان اعلامک صورتیدر)
 دولت علیه سنجافنی حامل ماریه نام سفینه ده خدمت ایتش اولان بکجی انستاتی استامات وپنایوطاغنوستی وقسطنطلی پاپایانی ایله بینلرنده منحدث دعوا بیه دائر

محکمه تجارت بقریه نک فی ۱۱ ربیع الآخر سنه ۹۹ وفی ۱۷ شباط سنه ۹۷ تاریخلی اعلامی علیهنه اعتراضی حاوی غلطه ده مصطفی پاشا محله سنه الی اوچ نومرولی مغازه ده مقیم صاحب سفینه استامات مانچورانی وقیودان دیمتری مانچورانی امضالریله اعطا قلنان عرضحال فی غره جا سنه ۹۹ تاریخنده محکمه استیناف تجارت قسمنه حواله اولمش وغلطه ده محمودیه جاده سنه سکسان بش نومرولی دکانده مقیم اجزاجی یانی نقوله یدی باسند مصدق کفیل کوسرلمش اولمغله طرفین بالذات کلهرک اوراق لازمه قرائت اولندی استیناف عرضحالنده اعلام مذکورک حکمی عدم قبول ایله ایشک استینافاً رؤیتی استدعا قلمشدر اعلام مستأنف بهده استامات مانچورانی ایله دیمتری مانچورانی کندولرینی ماریه نام سفینه بی شهری اون بشر عدد فرانسز تالارانی اجرت ایله کججی طوتمش اولدقلمری حالده فی ۲۴ ایلول سنه ۸۸۱ تاریخندن شمیدی به قدر درت ماه یکریمی ایکی کون یکمش اولمغله آنف الذکر اجرتلرینک مع فائض و مصارف مرقوماندن تحصیلی انستاتی استامات وپنایوط وقسطنطلی طرفلرندن استدعا اولتمقدنناشی طرفین جلب ایله سندالحاکمه ادعا اولنان اجرت بدلی اولهرق تراکم ایدن اوچبیک اوچوز سکسان غروش ایله شباطک اونجی کونندن اعتباراً مدعیلرک سفینه دن چیه جقلمری کونه قدر شهری اون بشر فرانسز تالاراسی حسابیله متراکم اجرتلرینک دخی استامات مانچورانیندن تحصیلنه متفقاً قرار ویرلیدی کوسرلمشدر مستأنفلرک لایحه سنه درجه اولی محکمه سنه ابراز اولنان دفتره محکمه نک اعتماد ایتسی وقیودان ایله محاسبه کورلدکدنصرکه خصم لرینک ارتق سفینه ده خدمت لری قالمش اولدیغنی حالده اندنصرکه کچمش

ایام ایچون مدعیلرک کندولرندن اجرت طلبنه قرار ویرلسی بولسز اولدیغندن بمثله اعلامک فسختی طلب اولمشدر

طرفینلدی الاستجاب مستأنفلر دن استامات مانجورانی کندولری هر تقدراعلامک حکمی عدم قبول ایله استیناف دعوی ایتمشرایسه ده بو کره خصم لریله صلح اولدق لرن دن بونک تصدیقنی حاوی لازم کلان اعلامک اعطاسنی بیان ومستأنف علیهم دخی صلح واقعی تصدیق واتیان ولدی السؤال بشقه بر دیه جکاری اولدیغنی در میان ایملر یله بو باده محاکمه لری نك ختام بولدیغنی افهام اولندی

لدی التذکر طرفین هر تقدرا بیلر نده وقوع بولان صلحک تصدیقنی طلب ایتمشرایسه ده درجه اولی اعلامنده اوچبیک بوقدر عروش ایله سفینه دن چقیه جقلری کونه قدر بکه جک ایام ایچون مستأنف علیهمک تراکم ایدن اجرتلری نك مستأنفلر دن استامات مانجور ایدن تحصیلنه حکم اولدیغنی کورنش و بومقوله بشبیک غروشدن دون اولان دعوارک قابل استیناف اوله میه جغنی اصول محاکمه حقوقیه قانون موقتک یوز یتش اوچبجی ماده سنک فقره اولاسی اقتضاسندن بولنش اولدیغندن شو حالده مستأنفلرک استیناف استدعال نك ردینه و اون بشک جزای نقدی ایله مصارف محاکمه اوله ر ق ز یرده مرقم ایکوز اون غروشک مستأنفله رجوع ایتمک اوزره مستأنف علیهمدن المنسبه درجه نایه ده متفقاً قرار ویر یله ر ک طرفینه تفهیم قلندی

(فی ۷ جادی الاولی سنه ۹۹ وفی ۱۵ مارت)
(سنه ۹۸ تاریخیه محکمه استیناف تجارت)
(قسمندن ویر یلان اعلامک صورتیدر)

زندان قپوسنده طاشجیلر ده مقیم حاجی محمد اغازاده رضا ومصطفی نظیف افندیلر ایله بیلر نده متمدت دعویاه دأر اوچبجی محکمه تجار نك فی ۲ محرم سنه ۹۹ وفی ۱۲ تشرین ثانی سنه ۹۷ تاریخلی اعلامی علیهنه اعتراضی حاوی سلور یده ساکن یغورنجی کریا کیدی ومطیوس بدوسیانک وکیلی پاپاس اوغلی واسیلاکی امضاسیله اعطا قلنان عرضحال فی ۲ صفر سنه ۹۹ تاریخنده محکمه استیناف تجارت قسمنه حواله اولمش ومحل مذکورده ایکوز الی بش نومرولی دکانده مقیم بیزنجی قایندان نیقولای باسند مصدق کفیل کوسترلش اولغله مستأنفلر پاپاس اوغلی واسیلاکی افندی بی باسند مصدق ومستأنف علیهم رضا ومصطفی افندیلر دخی کلکیبان قصبر افندی بی حضور محکمه ده توکیل ایلر یله اوراق لازمه قرائت اولنه جغنی صروده فی ۱۴ مارت سنه ۹۸ تاریخیه مورخ و طرفین امضالریله محضی ابراز اولنان صلحنامه بعدالمطالعه ز یرده بعبارته درج اولندی

(در علیه ده طاشجیلر دروننده ایکوز اون بر نومرولی دکانده مستأجراً اقامت ایتمکده اولان تجار دن حاجی محمد اغازاده رضا و شریکی مصطفی افندیلرله میانه مزده فی ۲۳ کانون ثانی سنه ۲۹۶ تاریخیه منعقد قونطور اتو موجی بهر قیه سنده سکر پاره قومیسو نلقه فروخت ایتمک اوزره اعمال ایده جکمز یغورنلری (بقیه سی صکره)

اعلامات

اغوبک حسن افندی ذمتنده محکوم به الاجغنی اولان مبالغ معلومه نك تسویه سی ختمنده مدیون مومی الیهک ککوچک مصطفی باشا جاده سنده عهده تصرفنده بولنان یتش اوچ نومرولی قرق طقوز

ذراع اون سکر پارمق دکان عرصه سی لدی المزایده سکسان لیرا بدل ایله طالبی عهده سنده تقرر ایتمش ایدی اشبو دکان عرصه سنده اشکنیه جی ملک و کدی اولدیغنی مؤخرأ تحققی ایتمش ومذکور عرصه نك اولصورته فروخته تشبث ایلمش اولدیغندن مذکور دکان عرصه سنک ملک و کدیله برابر سکسان اوچ لیرادن ز یاده طالب وار ایسه تموزک یکر می طقوزنجی بچشنبه کونی ساعت طقوزه قدر در سعادت مرکز اجرا دأر سنه مراجعت ایتملی لازم کله جکی اعلان اولنور فی ۳۰ حز یران سنه ۹۸

طقسان یدی سنه سی تشرین ثانی سنک یکر می سکرنجی جمعه ایرتسی کونی از میدلی خانجی ر پائلک بررأس قطانه سنی از میدیه بر ساعت مسافده کلان نام محله غصب ایتمک لری ادعا اولمشندن طولای مطنون علیه اولوب فرارده بولنان اوزونجه بو بلی قور یجه یوزلی سیاه یقلی اوزونجه سیاه صقاللی کل باشلی صاریجه قاش و کوزلی قرق یاشلر نده نفس یکشهر قصبه سنده روم ایلی مهاجرلر دن ضبطیه چر کس عثمان چاوش نام کسنه نك فعل مذکوره جرأتی تحققی ایتمش و حرکت واقعه سی دخی قانون جزانک التمش ایکنجی ماده سنک ذیلی احکامنی استنزام ایدر افعال جنایه دن بولنش اولدیغندن مرقوم عثمانک مجهول الاسامی والاشکال ر قفاسیله برابر طاغرده وقیرلر ده مسلح اولدیغنی حالده کره ر ک راست کلدیکی یولجیلری صومیق فضیحه سنی ارتکاب ایتمسندن طولای از مید بدایت جزا محکمه سنده غیباً محاکمه سی اجرا اولنق اوزره جنایتله اتهامنه قرار ویرلش ومضبطه سی دخی تنظیم واعطا قلنش اولدیغندن منهم مرقوم هر زرده کور یلور ایسه

اخذ و گرفت اولنور ق محکمه مذکوره حبسخانه سنه تسلیمی لازم کله جکی بالجله ضابطه عدلیه مأمور لر ینک معلومی اوراق اوزره اشبو اخذ و گرفت امری هیئت اتهامیه دن ویر یلان فی ۱۰ شعبان سنه ۹۹ تاریخ و یتش سکر نومرولی مذکره اوزرینه اعلان اولنور فی ۲۲ شعبان سنه ۹۹ وفی ۲۱ حز یران سنه ۹۸

طقسان یدی اغستوسنک اوننجی بازار کونی از ینه قضاسنه تابع بیر امیج ناحیه سی اهالیسندن احد افندی اوغلی ملا محمدک اون سکر یاشنده کریمه سی حنیفه بی قره حسن و قره حسین ومصطفی واحمدک معاوتلریله داری تر لاسندن جبراً قالدیروب بکر ینی ازاله ایتمسندن طولای مطنون علیه اولوب فرارده بولنان اوزون بویلی اسمر یوزلی قره یقلی کوچک چکله اورتیه برونلی دوز النلی قره کوز وقاشلی صاچسز اوتوز اوتوز بش یاشنده بیر امیج ناحیه سنک اوچیلر قره سنندن دانه خلیل اوغلی ابراهیم نام کسنه نك فعل مذکوره جرأتی عندالتدقیق اوراق موجوده مألر نندن اکلا شلس ومرقوم ابراهیمک حرکت واقعه سی قانون جزانک یوز طقسان سکرنجی و ایکوزنجی ماده لری احکامنی مستلزم افعال جنایه دن بولنش اولدیغندن بیغا بدایت محکمه سی جزا دأر سنده غیباً محاکمه سی اجرا اولنق اوزره جنایتله اتهامنه قرار ویرلش ومضبطه سی دخی تنظیم واعطا قلنش اولغله منهم مرقوم هر زرده کور یلور ایسه اخذ و گرفت اولنور ق محکمه مذکوره حبسخانه سنه تسلیمی لازم کله جکی بالجله ضابطه عدلیه مأمور لر ینک معلومی اوراق اوزره اشبو اخذ و گرفت امری هیئت اتهامیه دن فی ۱۶ حز یران سنه ۹۸ تاریخ وسکسان طقوز

نومرولى مذكره اوزر يته اعلان اولنور

في ۲۲ شعبان سنه ۹۹ وفي ۲۱ حزينان سنه ۹۸

صادق افنديك $\frac{۹۹}{۹۸}$ نمرولى اعلام موجبجه النى
قادينه محكوم به دينى اولان مبالغ معلومه نك تسويه سى
ضمننده مديون مر قومك غلطه ده يكي جامع شريف
محلله سنده كور بكيلىر جاده سنده ۲۴ نمرولى دكان ايله
۲ نمرولى خانه ده يدى حصه اعتبار يله متصرف
اولديغى بر حصه شايعه سى تاريخ اعلان اعتباراً
اون بش كون صكره فروخت اولنه جغى بك اوغلى
بدایت محكمه سى اجرا مامور يتي جانبندن اعلان اولنور
في ۲۹ حزينان سنه ۹۸

مرهون اولان كوچك مصطفى پاشاده كل جامع
شريفى محلله سنده ايا قپوسى جاده سنده كائن بر طرفى
حفيظه خانمك كار كير خانه سى و ديكر طرفى حاجى
نظيف اغانك همشيره لر ينك عرصه سى و ارقه سى امام
عبدالله افنديك قائن والده سى فاطمه خانمك عرصه سى
واوكى طريق عام ايله محدود تخميناً يوز يتمش بش ذراع
مقدارى عرصه اوزر يته مبنى فوقنده بر باب او طه بي
حاوى بلا نومرو بر باب خره سانجى كديكنك تاريخ
اعلان دن اون بش كون صكره فروخته تشبث اولنه جغى
اعلامات شرعيه اجرا مامور يتندن اعلان اولنور
في ۲۱ حزينان سنه ۹۸

طومانك $\frac{۹۸}{۱۷۵}$ نومرولى اعلام موجبجه حسن كامل
افندى به اولان دينك تسويه سى ضمننده بو باجى
قریه سنده قورى جاده سنده ۷۳ و ۷۵ نومرولى
ايكى باب خانه ده اون ايكي شحصه اعتبار يله مديون
مر قومك متصرف اولديغى اوز حصه شايعه لرى
بالزايده ۷۳ نومرولى خانه نك اون حصه سى بشبيك
ايكيوز يتمش بش و ۷۵ نومرولى خانه دخى اون
بشبيك يديوز يكر مى بش غروش بدل ايله طالب لرى
عهده لرنده تقرر ايتمكاه تاريخ اعلان اعتباراً اوتوز
بر كون صكره قرار قطعى سى و ير يله جكندن يوزده
بش ضميمه زياده يه طالب اولانلرك بك اوغلى بدایت
محكمه سى اجرا دائره سنه مراجعت ايتلىر اعلان
اولنور

في ۲۶ حزينان سنه ۹۸

مطبعة عامر ده طبع اولندى

احمد اغانك ديوار جى قسطى به $\frac{۹۸}{۵۶}$ نومرولى اعلام
موجبجه محكوم به دينى اولان مبالغ معلومه نك
تسويه سى چون چقور جمع محلله سنده اوريجى يقوشى
چقمازنده بش نومرولى و درت حصه اعتبار لى بر باب
خانه ده اولان اوچ ربع حصه شايعه سنك تاريخ اعلان دن
اعتباراً اون بش كون صكره بالزايده فروخته تشبث
اولنه جغى بك اوغلى بدایت محكمه سى اجرا مامور يتي
جانبندن اعلان اولنور
في ۲۴ مايس سنه ۹۸

خره سانجى اصنافندن داود اغانك قسمت عسكر يه
محكمه سندن اعطا قلنان بر قطعه اعلام موجبجه
مصطفى رشيد ويوسف شكرى افنديلر ايله اقبال خانم
دينى بولنان مبالغ معلومه نك تأمين استيفاسى ضمننده